



## PROJEKAT:STUDENTSKOM PRAKSOM BRŽE DO POSLA

Finansira  
Evropska unija

### **PROJEKTNI ZADATAK**

Kreiranje i provođenje trening programa na temu: Unaprijeđenje vještina za uključivanje u/praćenje procesa reformi u sektoru visokog obrazovanja u kontekstu evropskih integracija za članove ERSE mreže (mladi, predstavnici akademske i poslovne zajednice).

**Referentni broj: EUTP-03-21/01**

**Datum: 16.06.2021**

Udruženje Prava za sve za potrebe projekta *“Studentskom praksom brže do posla”* traži edukatora\_icu za pružanje usluge kreiranja i provođenja programa edukacije za uključivanje u/praćenje procesa reformi u oblasti visokog obrazovanja u kontekstu evropskih integracija u Bosni i Hercegovini za članove ERSE mreže u okviru implementacije projekta:

***“Education Reform to Secure Youth Employment through Enterprise-based Learning” / “Studentskom praksom brže do posla”***

---

### **1. UVOD**

Projekat *“Studentskom praksom brže do posla”* odgovara na nedostatak provođenja studentske prakse kao obaveznog i redovnog nastavnog procesa na fakultetima/univerzitetima u BiH zbog čega su studenti lišeni mogućnosti za sticanje potrebnih praktičnih znanja i vještina koje zahtijevaju poslodavci i tržište rada.

Projekat jača institucionalne i kapacitete OCDA koji se bave ovim pitanjima za zajedničko djelovanje u zagovaranju za poboljšanje politika i zakonodavstva u oblasti visokog obrazovanja slijedeći dobre prakse i iskustva zemalja EU.

Organizacije mladih kao i drugi relevantni akteri koji se bave ovim pitanjima nemaju adekvatne kapacitete za međusobno povezivanje i pokretanje procesa zagovaranja za promjene politika ili obrazovnog procesa radi uvođenja studentske prakse kao sastavnog dijela obrazovnog procesa. Nedostaje i potrebno znanje o evropskim standardima i modelima prakse koji na najbolji način poboljšavaju znanje i kompetencije studenata. Zbog svega toga civilno društvo ostaje izvan procesa EU integracija u području obrazovanja. Vlasti i donosioci odluka općenito nisu otvoreni za dijalog o ovom pitanju, i donose odluke bez sudjelovanja onih na koje se ovo odnosi, a to su prije svega mladi ali i predstavnici akademske i poslovne zajednice. Krajnja posljedica svega je da mladi nemaju priliku da steknu potrebno radno iskustvo, poslodavci ostaju lišeni odgovarajuće radne snage, a stopa nezaposlenosti mladih raste.

Projekat implementiraju

## **Metodologija provođenja projekta**

**Umrežavanje**, (upostavljanje ERSE mreže/Edukacija-reforma-Sigurnost-Egzistencija) kao metod za razmjenu informacija i uspostavljanje dugoročne interakcije, koristit će se za postizanje ciljeva projekta. Projektom se planira provođenje sveobuhvatnog **programa izgradnje kapaciteta** i primjene tako stečenog znanja u praksi. Tako će članovi ERSE mreže biti osposobljeni da zajednički zagovaraju za potrebne promjene u cilju uvođenja redovnih studentskih praksi u obrazovni proces; da učestvuju u medijskim kampanjama kao i da se uključe u proces EU integracija. Kroz iniciranje i **provođenje kampanja zagovaranja i medijskih kampanja** za uvođenje redovnih studentskih praksi u sistem visokog obrazovanja postiže se dodatni potrebni pritisak na donosice odluka za otvaranje dijaloga o visokom obrazovanju i usvajanje ciljanih preporuka.

**Opći cilj projekta** je reforma visokog obrazovanja prema EU standardima i omogućavanje studentima da steknu obrazovanje koje im pruža praktične vještine potrebne na tržištu rada u BiH.

**Specifični ciljevi** su uspostaviti mrežu kao ključni mehanizam društvenih promjena koji povezuje sveučilišta, poslovnu zajednicu, studentska udruženja diljem BiH, te jačanjem kapaciteta mreže i provedbom širokog zagovaranja podržati reformu visokog obrazovanja u skladu sa EU dobrim iskustvima u dijelu koji će osigurati redovno održavanje studentskih praksi i na taj način u konačnici doprinijeti većem zapošljavanju mladih u BiH.

**Provođenje projekta:** Udruženje "Prava za sve" provodi projekat u partnerstvu sa U.G.Budućnost iz Modriče.

## **2. CILJEVI I OBIM ZADATKA**

### **2.1 Svrha angažovanja:**

Oснаžiti kapacitete za praćenje procesa reformi u sektoru visokog obrazovanja u kontekstu evropskih integracija za ukupno 40 članova ERSE mreže iz različitih sektora (mladi, akademska i poslovna zajednica). Kroz implementaciju predloženog trening programa učesnicima\_ama pružiti potrebne informacije o relevantnim strateškim dokumentima u sektoru visokog obrazovanja, između ostalog, Prioritetima za razvoj visokog obrazovanja u Bosni i Hercegovini za period 2016-2026<sup>1</sup>; šta podrazumijeva/uključuje proces reformisanje visokog obrazovanja; značaju uključivanja i ulogi različitih relevantnih aktera (institucija i civilnog društva) u procesu evropskih integracija za sektor visokog obrazovanja; metodama i tehnikama u praćenju procesa reformi sa posebnim fokusom na obavezna usklađivanja zakona i prakse kroz u procesu evropskih integracija i promjene koje se u ovaj sektor unose. Očekivani rezultati su unaprijeđenje znanja o procesu reformi koji donose evropske integracije u visoko obrazovanje u BiH kao i praćenje/uključivanje u ove procese u tom periodu. U okviru programa edukacije održaće se 4 dvodnevne radionice istog programskog sadržaja za članove ERSE mreže. Svaka radionica će imati po 10 učesnika.

---

<sup>1</sup> [http://mcp.gov.ba/attachments/bs\\_Migrirani\\_dokumenti/Va%C5%BEeni\\_dokumenti/Va%C5%BEeno-Strategije/Prioriteti\\_za\\_razvoj\\_visokog\\_obrazovanja\\_u\\_BiH\\_za\\_period\\_2016-2026.pdf](http://mcp.gov.ba/attachments/bs_Migrirani_dokumenti/Va%C5%BEeni_dokumenti/Va%C5%BEeno-Strategije/Prioriteti_za_razvoj_visokog_obrazovanja_u_BiH_za_period_2016-2026.pdf)

Projekat implementiraju

## 2.2 Opis poslova

Od angažovanog edukatora/ice očekuje se:

- ❖ Da se blisko upozna sa ciljevima i rezultatima projekta čijem postizanju program edukacije treba da doprinese;
- ❖ Osmisli i kreira sadržaj i program primjenljiv i za online i uživo način rada, te pripremi odgovarajući materijal (PPP i drugo relevantno za rad) za dvodnevnu radionicu, a koji će učesnicima omogućiti da steknu potrebna znanja;
- ❖ Održi ukupno 4 dvodnevne radionice istog sadržaja i metodologije u terminima koje dogovori sa naručiocem usluge;
- ❖ Osmisli i pripremi upitnik za procjenu nivoa stečenog znanja učesnika/ca, potrebnog za izradu evaluacije,
- ❖ Dostavi izvještaj u pisanoj, elektronskoj formi, na engleskom jeziku, najkasnije 7 dana od završetka posljednje radionice. Izvještaj treba da sadrži: uvod, opis treninga i očekivane rezultate obuke, listu učesnika, rezultate evaluacije uz prateću dokumentaciju, te izazove.

## 2.3 Kvalifikacije i vještine:

- ❖ Visoko obrazovanje iz oblasti društvenih nauka;
- ❖ Najmanje 5 godina profesionalnog iskustva u radu sa civilnim sektorom;
- ❖ Stručno praktično znanje i iskustvo u radu na projektima evropskih integracija;
- ❖ Najmanje 5 godina iskustva u organizovanju i vođenju radionica u oblasti obrazovanja (prednost iskustvo u oblasti visokog obrazovanja)

## 2.4 Period angažmana i plaćanje

Za provođenje ovog posla potreban je angažman u ukupnom trajanju od 14 radnih dana u periodu avgust - oktobar 2021 godine. Maksimalan bruto iznos predviđen za ovaj angažman iznosi KM 4100,00. Naknada uključuje sve troškove vanjskog stručnjaka.

Plaćanje će se izvršiti ukupno nakon odobrenja izvještaja o isporuci usluge. Angažovni/a edukator/ica će tokom obavljanja usluga održavati redovnu komunikaciju sa koordinatoricom ERSE mreže i projekt menadžerom.

## 3. PRIJAVA

### 3.1 Prijava mora sadržavati:

- ❖ Referentni broj ponude
- ❖ Pismo interesa
- ❖ CV stručnjaka\_ice sa detaljnim informacijama o relevantnom prošlom iskustvu,
- ❖ Prijedlog treba biti jasan i koncizan, sa kratkim opisom metodologije rada, uz evaluacijski plan,

Projekat implementiraju

- ❖ 2 reference s punim kontaktom

### **3.2 Ocjena prijedloga**

Ugovarač će donijeti odluku o najpovoljnijoj ponudi na osnovu profesionalnog iskustva u skladu s kriterijima postavljenim u dijelu Kvalifikacije i vještine ovog dokumenta uz prateće reference kao i vrijednosti ponude.

### **3.4 Postupak prijave**

Zainteresovani za prijavu treba da pošalju svoju CV sa ponudom uz prateće popratno pismo Udruženju Prava za sve na e-maila adresu: [office@pravazasve.ba](mailto:office@pravazasve.ba) sa naznakom referentnog broja.

Rok za prijavu: 30.06.2021 do 16 sati.

Ponude pristigle nakon navedenog roka za dostavljanje ponuda, neće se razmatrati.

Projekat implementiraju